

PRIJEDLOG

Na osnovu člana 23. tačka 2. i člana 55. Statuta Općine Ilijaš - prečišćeni tekst ("Službene novine Kantona Sarajevo", broj:20/09 i 46/18) i člana 99. Poslovnika o radu Općinskog vijeća Ilijaš ("Službene novine Kantona Sarajevo", broj:2/10, 18/15 i 7/19), Općinsko vijeće Ilijaš na svojoj 43. sjednici, održanoj dana, 30.06.2020. godine, donijelo je:

O D L U K U **o usvajanju „LOKALNOG AKCIONOG PLANA ZA DJECU OPĆINE ILIJAŠ ZA PERIOD 2020-2022. GODINA“**

Član 1. **(Predmet Odluke)**

Ovom Odlukom usvaja se Lokalni Akcioni plan za djecu općine Ilijaš za period 2020-2022.godine, koji čini sastavni dio ove Odluke.

Član 2. **(Svrha izrade dokumenta)**

Svrha izrade Lokalnog Akcionog plana za djecu općine Ilijaš za period 2020-2022.godine je pokretanje kontinuiranih aktivnosti koje se u Bosni i Hercegovini provode od 2002. godine radi provođenja UN Konvencije o pravima djeteta i njena dva fakultativna protokola.

Član 3. **(Realizacija aktivnosti)**

Zadužuje se Radna grupa za izradu, implementaciju i praćenje Lokalnog akcionog plana za djecu Općine Ilijaš za period 2020-2022. godina, imenovana Rješenjem općinskog načelnika broj:01/2-38-2394/19 od 11.11.2019. godine kao stručno, interresorno, savjetodavno i koordinirajuće tijelo, da u roku od 30 dana od dana usvajanja Lokalnog Akcionog plana za djecu općine Ilijaš za period 2020-2022.godine, usvojeni Plan dostavi nosiocima posla na realizaciju.

Član 4. **(Izvještavanje)**

Zadužuje se Radna grupa za izradu, implementaciju i praćenje Lokalnog akcionog plana za djecu Općine Ilijaš za period 2020-2022. godine da obavezno godišnje izvještava Općinsko Vijeće Ilijaš o provođenju Lokalnog Akcionog plana za djecu Općine Ilijaš za period 2020-2022. godina, predlaže mjere za unaprjeđenje njegovog provođenja, ali i predlaže mjere za eventualne izmjene i dopune predmetnog dokumenta.

Član 5. **(Stupanje na snagu)**

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se u periodu od 01.07.2020. godine do 31.12.2022. godine.

Broj: 01/1-02-_____-_____/20

Ilijaš, 30.06.2020.godine

Predsjedavajuća
Općinskog vijeća Ilijaš

Alma Omerović, prof.

Obrazloženje

I- Pravni osnov:

Pravni osnov za donošenje Odluke o usvajanju Lokalnog Akcionog plana za djecu općine Ilijaš za period 2020-2022.godine sadržan je u članu 23. tačka 2. i članu 55. Statuta općine Ilijaš, prečišćeni tekst («Službene novine Kantona Sarajevo», broj: 20/09 i 46/18). Članom 23. tačka 2. Statuta općine Ilijaš definiše se da općina Ilijaš u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito poslove osiguranja uslova za poštivanje i zaštitu ljudskih prava i osnovnih sloboda u skladu sa ustavom i osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu. Članom 55. Statuta općine Ilijaš propisane su nadležnosti Općinskog vijeća za donošenje akata i drugih propisa, njihovo autentično tumačenje i utvrđivanje prečišćenog teksta. Članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10, 18/15 i 7/19) definisani su propisi koje donosi Općinsko vijeće.

II- Razlozi za donošenje Odluke:

Programom rada Općinskog vijeća Ilijaš za 2020. godinu nije planirano donošenje Odluke o usvajanju „**LOKALNOG AKCIONOG PLANA ZA DJECU OPĆINE ILIJAŠ ZA PERIOD 2020-2022. GODINA**“, ali se njeno donošenje pokazalo potrebnim.

U sklopu implementacije projekta Zaštite djece, World Vision u BiH je pokrenuo proces koordinacije i rukovođenja participativnog procesa kreiranja Lokalnog akcionog plana (LAP) za djecu u općini Ilijaš. **Akcioni plan za djecu Općine Ilijaš za period 2020–2022. sagledava sveobuhvatne potrebe djece i mladih na lokalnom nivou i nedostajuće kapacitete koji će u naznačenom periodu planiranim aktivnostima biti nadomješteni, što će doprinijeti napretku u ostvarivanju i poštivanju prava djeteta na lokalnom nivou.**

Potreba za izradom Akcionog plana za djecu Općine Ilijaš proističe iz obaveze i odnosa vlasti prema velikoj populaciji djece do 18 godina koja žive na prostoru Općine Ilijaš.

Svrha Akcionog plana za djecu Općine Ilijaš je da kroz set intervencija na lokalnom nivou osigura da su sve djevojčice i svi dječaci sigurni, kako kroz unapređenje kvalitete referalnih mehanizama, tako i kroz kreiranje lokalnih politika koje mogu djelovati preventivno i smanjiti sigurnosne rizike, a povećati prilike za smisleno i zabavno učešće za svu djecu unutar jedne lokalne zajednice.

Cilj Akcionog plana je: uspostavljanje sistema i politika naklonjenih djeci i dostizanje evropskih standarda brige o djeci.

Metodologija u izradi Akcionog plana za djecu Općine Ilijaš prati Programsku područja UN Konvencije o pravima djeteta, koja obuhvata i sumira sve potrebe i segmente života djece u lokalnoj zajednici. Standardi koje treba da postigne Općina Ilijaš usaglašeni su sa standardima UN Komiteta za prava djeteta, fakultativnim protokolima uz Konvenciju o pravima djeteta, evropskim konvencijama koje je naša zemlja ratificirala, kao i strategijama razvoja BiH, Federacije BiH, indikatorima za praćenje prava djeteta u BiH, Strategijom za izjednačavanje mogućnosti osobama s invaliditetom u FBiH, Strategijom za nadzor nad opojnim drogama, sprečavanje i suzbijanje zloupotrebe opojnih droga, kao i Strategijom razvoja Općine Ilijaš, te Strategijom za mlade Općine Ilijaš.

Evaluacija realizacije Akcionog plana za djecu Općine Ilijaš vršit će se unutarnjom evaluacijom kroz izvještaje za Općinsko vijeće Ilijaš i eksternom evaluacijom koju će vršiti članovi Radne grupe za izradu Lokalnog akcionog plana za djecu Općine Ilijaš.

III- Obrazloženje pravnih rješenja sadržanih u Odluci:

Članom 1. definiše se predmet Odluke.

Članom 2. definiše se svrha izrade Lokalnog Akcionog plana.

Članom 3. definiše se realizacija aktivnosti.

Članom 4. definiše se način izvještavanja o provođenju Lokalnog Akcionog plana.

Članom 5. utvrđuje se stupanje na snagu Odluke.

IV- Finansijska sredstva za provođenje Odluke:

Finansijska sredstva za provođenje Odluke obezbijedit će se u Budžetu Općine Ilijaš i iz eksternih donatorskih finansijskih izvora.

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10, 18/15 i 7/19/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Odluku o usvajanju **„LOKALNOG AKCIONOG PLANA ZA DJECU OPĆINE ILIJAŠ ZA PERIOD 2020-2022. GODINA“** usvoji u dostavljenom tekstu.

Ilijašu: 18.06. 2020. godine

Služba za društvene djelatnosti i
poslove mjesnih zajednica